

**CONCELLERÍA
DE
NORMALIZACIÓN
LINGÜÍSTICA**

**CONCELLO
DE VIGO**



A Xunta de Galicia convoca, con carácter gratuíto, cursos de linguaxe administrativa galega e cursos preparatorios para os certificados de lingua galega (Celga) en Vigo. (Máis información e modelos de solicitude no DOG do 30 de agosto de 2019, páxina 36990 e seguintes).

Cursos de linguaxe administrativa galega de nivel medio e superior

- **Dirixidos** aos empregados/as públicos/as da Administración autonómica, da Administración local e da Administración periférica do Estado na Comunidade Autónoma de Galicia, exceptuando o persoal docente da Consellería de Cultura, Educación e Ordenación Universitaria e o persoal sanitario, non entendendo por tales os empregados públicos da escala de saúde pública e Administración sanitaria creada pola Lei 17/1989, do 23 de outubro, de creación de escalas de persoal sanitario ao servizo da Comunidade Autónoma de Galicia.

Toda persoa solicitante deberase encontrar en situación de servizo activo, permiso por parto ou maternidade, adopción ou acollemento, ou ben en excedencia polo coidado dun/dunha fillo/a ou dun/dunha familiar; e aquela que ao inicio do curso estea en situación de baixa laboral por incapacidade temporal quedará automaticamente excluída da listaxe do persoal seleccionado.

Poderán tamén solicitar a realización destes cursos as persoas maiores de dezaseis anos que non sexan empregados/as públicos/as e posúan os certificados ou acreditacións equivalentes recollidos nos parágrafos anteriores. Neste suposto só se poderá optar ás prazas no caso de que non sexan cubertas por empregados/as públicos/as as prazas ofertadas para cada curso.

- Para acceder

* **ao curso medio de linguaxe administrativa** os/as aspirantes deberán estar en posesión dalgún dos certificados seguintes: Celga 4, cursos de iniciación e perfeccionamento de lingua galega, curso básico de linguaxe administrativa galega, curso básico para o persoal da Administración de xustiza ou curso básico de linguaxe administrativa sanitaria.

* **Para acceder ao curso superior de linguaxe administrativa** os/as aspirantes deberán estar en posesión dalgún dos certificados seguintes: curso medio de linguaxe administrativa galega, curso medio de linguaxe xurídica galega ou calquera dos cursos equivalentes a estes, que se establecen no punto 2 do artigo 5 da Orde do 13 de xuño de 2011 (DOG núm. 121, do 24 de xuño) pola que se regulan os cursos de linguaxe administrativa e xurídica galegas.

- **Para os solicitar** deberase cubrir o formulario de inscrición telemática no enderezo www.eoidigital.com/preinslinguagalega. As solicitudes cubertas adecuadamente entenderanse presentadas na secretaría da escola oficial de idiomas correspondente unha vez que se complete correctamente o proceso de matriculación.

Só se poderá facer unha solicitude de inscrición por cuadrimestre con dúas preferencias priorizadas de grupos. Poderanse incluír na mesma solicitude cursos das dúas modalidades (presencial e en liña).

- Prazo de solicitude abranguerá desde o **día 2 ata o 11 de setembro de 2019** para os cursos do primeiro cuadrimestre (outubro-xaneiro); e desde o **30 de decembro de 2019 ata o 10 de xaneiro** de 2020, para os cursos do segundo cuadrimestre (febreiro-maio).

- Asignación de prazas

Se un curso ten máis solicitudes que prazas asignadas sortearase a participación nel.

- Documentación que cómpre achegar

De obter praza para un curso cómpre presentar na Secretaría da EOI de Vigo

- Unha copia do DNI ou NIE (esta non será necesaria se a persoa xa foi alumna desa escola).

- Para o alumnado dos cursos de linguaxe administrativa galega, o xustificante de ser persoal das diferentes administracións públicas de Galicia en situación de servizo activo ou excedencia polo coidado dun/dunha fillo/a ou dun/dunha familiar.

- Para o curso superior de linguaxe administrativa, algún dos certificados seguintes: curso medio de linguaxe administrativa galega, curso medio de linguaxe xurídica galega ou calquera dos cursos equivalentes a estes, que se establecen no punto 2 do artigo 5 da Orde do 13 de xuño de 2011 (DOG núm. 121, do 24 de xuño) pola que se regulan os cursos de linguaxe administrativa e xurídica galegas.

O **prazo para a presentación desta documentación** será ata o día 18 de setembro de 2019, para os cursos do primeiro cuadrimestre, e ata o 17 de xaneiro de 2020, para os cursos do segundo cuadrimestre.

Cursos en Vigo (en liña)

Nivel	Data de inicio	Data de fin
Medio	Febreiro 2020	Maio 2020
Superior	Outubro 2019	Xaneiro 2020

EOI de Vigo. Avda, Emilio Martínez Garrido, 17. 36205 Vigo.

Teléfono: 986 26 02 10/ Fax: 986 26 25 99. Correo electrónico: eoivigo@edu.xunta.es

Cursos Celga

- **Dirixidos a** todas as persoas maiores de dezaseis anos, ou aquelas que os fagan no ano natural da convocatoria, que desexen preparar as probas convocadas pola Secretaría Xeral de Política Lingüística para certificar a súa competencia en lingua galega.

- **Para os solicitar** deberase cubrir o formulario de inscrición telemática no enderezo www.eoidigital.com/preinslinguagalega. As solicitudes cubertas adecuadamente entenderanse presentadas na secretaria da escola oficial de idiomas correspondente unha vez que se complete correctamente o proceso de matriculación.

Só se poderá facer unha solicitude de inscrición por cuadrimestre con tres preferencias priorizadas de grupos. . En caso de adxudicación de praza en máis dun curso, o/a alumno/a deberá optar por un só curso nunha soa escola

- **Prazo de solicitude** abranguerá desde o día 2 ata o 11 de setembro de 2019, para os cursos do primeiro cuadrimestre (outubro-xaneiro); e desde o 30 de decembro ata o 10 de xaneiro de 2020, para os cursos do segundo cuadrimestre (febreiro-maio).

- Asignación de prazas

Se un curso ten máis solicitudes que prazas asignadas sortearase a participación nel.

- Documentación que cómpre achegar

De obter praza para un curso cómpre presentar na Secretaría da EOI de Vigo:

* Unha copia do DNI ou NIE (esta non será necesaria se a persoa xa foi alumna desa escola).

Relación de cursos Celga ofertados

Nivel	Data de inicio	Data de finalizac.	Horarios		Días
			Mañá	Tarde	
Celga 2	Outubro 2019	Xaneiro 2020	9.00-11:30	-----	Martes e xoves
Celga 2	Febreiro 2020	Maio 2020	9.00-11:30	-----	Martes e xoves
Celga 3	Outubro 2019	Xaneiro 2020	-----	17:00-19:30	Luns e mércores
Celga 3	Febreiro 2020	Maio 2020	-----	17:00-19:30	Luns e mércores
Celga 4	Outubro 2019	Xaneiro 2020	11:00-13:30	-----	Martes e venres
Celga 4	Outubro 2019	Xaneiro 2020	-----	17:00-19:30	Luns e mércores
Celga 4	Febreiro 2020	Maio 2020	11:00-13:30	-----	Martes e venres
Celga 4	Febreiro 2020	Maio 2020	-----	17:00-19:30	Luns e mércores

